

ONEKIN BERRIKUNTZA PROGRAMAREN OINARRIAK

- 1. ONEKIN BERRIKUNTZA PROGRAMAREN HELBURUA ETA XEDEA**
- 2. PROGRAMAREN ERAKUNDE ETA PERTSONA ONURADUNAK**
- 3. PROGRAMARA AURKEZTEKO BALDINTZAK**
- 4. ONEKIN BERRIKUNTZA PROGRAMAREN KONTURA FINANTZA DAITEZKEEN KOSTUAK**
- 5. ERAKUNDE ONURADUNEK LAGUNDUTAKO JARDUERAK AZPIKONTRATATZEA**
- 6. PROIEKTUAREN KONTURA DIRUZ LAGUNDU DAITEZKEEN GASTUEN EHUNEKOA**
- 7. PROGRAMARI LAGUNTZA-ESKABIDEAK AURKEZTEKO EPEA**
- 8. PROIEKTUAK AZTERTZEA**
- 9. EBAZPENA**
- 10. PROIEKTUAK GAUZATZEKO EPEA**
- 11. ERAKUNDE ONURADUNEN BETEBEHARRAK**
- 12. ORDAINTZEKO BALDINTZAK**
- 13. EZ-BETETZEAK ETA ITZULKETA**
- 14. BESTE LAGUNTZA BATZUEKIKO BATERAGARRITASUNA**
- 15. ALDAKETA**
- 16. ATZERA EGITEA EDO UKO EGITEA**
- 17. DATU PERTSONALEN KONFIDENTZIALITASUNA ETA BABESA**
- 18. ERANTZUKIZUNETIK SALBUESTEA**

ERANSKINAK (I-VI)

1. ONEKIN BERRIKUNTZA PROGRAMAREN HELBURUA ETA XEDEA

ONEKIN_berrikuntza programa, Euskal Autonomia Erkidegoan elikaduraren eta zuraren balio-katerako laguntza-programa bat da, eta enpresa-berrikuntza du helburu. *ONEKIN_berrikuntza*ren helburua da jardueraren eta negozioen erritmoa berreskuratzen laguntzea, elikaduraren eta zuraren balio-katean berrikuntza sustatuta. Hori dela eta, asmoa da enpresa-berrikuntzarako proiektuen (ezarpen esperimentalak edo prototipatuak dutenak) aholkularitzari eta garapenari laguntzea, enpresa txikiei laguntze aldera hala beren produktuetan (ondasunak edo zerbitzuak) nola beren negozio-prozesuetan berritzen, teknologiaren beharrezakoa izan zein ez izan. Hain zuzen, azken helburua da epe laburrean bizkortzea jardueraren berreskurapena. Programa honetan hiru ildo nagusi daude: enpresa-berrikuntza, produktu-berrikuntza eta negozio-prozesuen berrikuntza. Halaber, horien konbinazioa egiteko aukera dago. Dena den, jardueraren berreskurapena bizkortzeko, laguntza honen lehentasunezko jarduerak *IV. eranskinean (Lehentasunezko esku-hartzeak elikaduraren eta zuraren berrikuntza esparruan)* zehaztutakoak dira.

ONEKIN BERRIKUNTZA programari lotutako laguntzek ildo hauek dituzte: “Berrikuntza banakako enpresetan” ildoak, “Berrikuntza kolektiboetan” ildoak eta “Berrikuntza kooperatibetan” ildoak.

2. PROGRAMAREN ERAKUNDE ETA PERTSONA ONURADUNAK

Honako hauek izan daitezke *ONEKIN Berrikuntza* programaren erakunde eta pertsona onuradunak:

- **“Berrikuntza banakako enpresetan”** ildoak. Pertsona fisiko edo juridiko pribatuak: nekazariak; ateratze-arrantzaren, elikagaien industriaren edo basogintzaren sektoreetako langileak; balio-kateko jatetxeak, ekoizpen-establezimenduak dituztenak eta zergak EAEn ordaintzen dituztenak.
- **“Berrikuntza kolektiboetan”** ildoak. Pertsona fisiko edo juridiko pribatuen taldeak: nekazariak; ateratze-arrantzaren, elikagaien industriaren edo basogintzaren sektoreetako langileak; balio-kateko jatetxeak, ekoizpen-establezimenduak dituztenak eta zergak EAEn ordaintzen dituztenak.
- **“Berrikuntza kooperatibetan”** ildoak. Euskal Autonomia Erkidegoko Nekazaritzako Elikagaien Kooperatiben Federazioan izena emana duten sozietate kooperatiboak.

3. PROGRAMARA AURKEZTEKO BALDINTZAK

Erakunde edo pertsona bakoitza banakako ezarpen-proiektu batera eta proiektu kolektibo batera (Berrikuntza Talde baten bidez) besterik ezingo da aurkeztu. Guztira, gehienez ere bi proiektutan bakarrik sartu ahalko da.

Programa honetarako eskabidea aurkezten duten erakunde edo pertsona juridikoek honako baldintza hauek bete behar dituzte:

- a) Erantzukizunez adieraztea arauan eskatzen diren baldintzak betetzen dituztela; laguntza-eskabidean egindako adierazpenak eta aurkeztutako dokumentazioa egiazkoak direla; faltsutasunik edo datu okerrik azalduz gero, erantzukizun osoa bere gain hartuko dutela; eta ez dutela adieraziko faltsutasun edo datu oker horiek eragin dituzten gertaerak ez zituztela ezagutzen.
- b) Ez izatea loturarik HAZIrekin, zuzenean ala zeharka, akzio edo partaidetzen bidez.
- c) Jakinaraztea diruz lagunduko den gastu bererako beste administrazio publiko edo erakunde publiko zein pribatu batzuen dirulaguntzak, laguntzak edo bestelako baliabide ekonomikoak eskatu edo jaso dituen. Gainera, indarreko zerga-ekitaldiaren eta oraingo zerga-ekitaldiaren aurre-aurreko bi zerga-ekitaldietan jasotako minimis laguntza guztien berri ematea.
- d) Inbertsioak edo gastuak honako establezimendu hauetan egitea: Euskal Autonomia Erkidegoko Nekazaritza eta Elikagaigintzako Industrien Erregistroko (NEIE) EJSN 561 taldeko ("Janari eta edarien zerbitzua") establezimenduetan, laguntzaren xede den elikagaigintza- edo basogintza-sektoreko jarduera garatzeko inskribatu behar den beste edozein establezimendutan, edo erregistro horretan inskribatutako establezimenduetan lortutako ekoizpenekin lotuta dauden establezimenduetan.
- e) Pertsona juridikoa izanez gero, ETEa edo mikroETe delako berrestea, bat etorri Batzordearen mikroenpresen eta enpresa txiki eta ertainen definizioari buruzko 2003ko maiatzaren 6ko 2003/361/EE Gomendioarekin (2013/05/20ko L124 Aldizkari Ofiziala).
- f) Enpresak zein haien langileak eta laguntzaileak ezingo dira egon HAZIren deshomologazio-prozeduretan.
- g) Ez izatea krisialdian dagoen enpresa, Krisialdian dauden enpresa ez-finantzarioak salbatzeko eta berregituratzeko estatuko laguntzei buruzko Zuzentarauetan ezarritako definizioaren arabera (2014/C-249/01).
- h) Lagundutako gastuak ez egitea 2021/01/01 baino lehen.
- i) Proiektuak aurkeztutako jarduerari buruzko berariazko araudia betetzea.
- j) Proiektuak kasuan kasuko inbertsio eta gastuei aplikatu beharreko Erkidegoko arauak betetzea.
- k) Hala badagokio, proiektuak animalien ongizateari eta garraioari buruzko araudia betetzea.
- l) Egin beharreko ekintzek Euskal Autonomia Erkidegoan aplikatzeko den araudi espezifikoarekin bat datozen arauak betetzea (21/2013 Legea, abenduaren 9koa, ingurumen-ebaluazioari buruzkoa, eta 3/1998 Lege Orokorra, otsailaren 27koa, Euskal Autonomia Erkidegoko Ingurumenari buruzkoa).
- m) Konpromisoa hartzea HAZIren, Eusko Jaurlaritzaren, Europar Batasunaren edo ezarritako kontrol-organoen esku jartzeko inbertsioa edo gastua egin dela eta proiektua gauzatu dela egiaztatzeko behar den dokumentazio guztia.

- n) Ez egotea Euskal Autonomia Erkidegoko Administrazio Orokorrek edo haren erakunde autonomoek izaera bereko laguntzei dagokienez abiarazitako itzultze- edo zehapen-prozeduraren batean edo halako prozedurarik amaituta ez izatea.
- o) Dirulaguntzak edo laguntza publikoak eskuratzea eragozten duen zehapen administratiborik edo penalik ez izatea, ezta horretarako legezko inolako debekurik ere, sexu-diskriminazioagatiko debekuak barnean hartuta, Emakumeen eta Gizonen berdintasunerako otsailaren 18ko 4/2005 Legearen azken xedapenetako seigarrenean zehaztutakoari jarraikiz.
- p) Martxoaren 1eko 6/2019 Errege Lege Dekretuan xedatutakoa betetzea, eta, nahitaezkoa izanez gero, berdintasun-plan bat izatea.
- q) Egunean izatea EAEko Administrazioak eta haren mendeko erakundeek emandako laguntzen edo dirulaguntzen esparruan dirulaguntzak itzultzeko edo zehatzeko prozedura batean zehaztutako zenbatekoen betebeharren ordainketa. Betebehar horien ordainketak egunean dituztela ulertuko da baldin eta zorrak atzeratuta eta zatituta badaude, eta, gainera, zorra, interes eta gastu guztiak barne, estaltzen duen bermea eratu bada.
- r) Konkurtso-deklarazioa eskatu ez izana, edozein prozeduratan kaudimengabetzat jo ez izana, konkurtsoan deklaraturik ez egotea, salbu eta horretan eraginkortasuna hartu badu hitzarmen batek, esku-hartze judizialaren pean ez egotea edo desgaitua ez izatea Konkurtsoari buruzko uztailaren 9ko 22/2003 Legearen arabera, konkurtsoaren kalifikazio-epaian ezarritako desgaitze-aldia amaitu gabe.
- s) Dirulaguntzak eta laguntzak lortzeko aukera galdua ez izatea ebazpen irmo baten bidez ezarritako zehapena dela eta.
- t) Kausaren batean errudun deklaraturik izateagatik, Administrazioarekin egindako edozein kontraturen amaiera irmoa ebatzita ez izatea.
- u) Pertsona fisikoa, merkataritza-sozietateen administratzaileak edo beste pertsona juridiko batzuen legezko ordezkariak dutenak ez egotea Kargu publikodunen jokabide-kodea eta haien interes-gatazkak arautzen dituen ekainaren 26ko 1/2014 Legean ezarritako kasuren batean, edo Hauteskunde Araubide Orokorren ekainaren 19ko 5/1985 Lege Organikoan araututako hautapen bidezko karguren bat ez izatea, lege horretan edo gai hori arautzen duen araudi autonomikoan ezarritako baldintzetan.
- v) Berreskuratze-agindu baten menpe ez egotea, Europako Batzordeak aurretiaz erabaki badu laguntza bat legez kanpokoa eta barne-merkatuarekin bateraezina dela.
- w) Erregelamenduz zerga-paradisua gisa kalifikatutako herrialde edo lurralde batean ez izatea zerga-egoitza.
- x) Kooperatiben kasuan, Emakume Nekazarien Estatutuaren Legearen bigarren xedapen gehigarria betetzea, ordezkari-organoei dagokienez.

Programatik kanpo geratzen dira honako erakunde-mota hauek:

- Sozietate publikoak eta zuzenbide publikoko erakundeak, haien organoak, mendeko sailak eta erakundeak, bai eta partaidetza handiena duten edozein enpresa edo erakunde ere.
- Ez dira ETEtzat hartuko, deskribatutako gainerako baldintzak bete arren, erakunde publiko edo kolektibo publiko batek edo gehiagok beren kapital sozialaren edo boto-eskubideen % 25 edo gehiago kontrolatzen duten enpresak, sozietate elkartuentzat aurreikusitakoa izan ezik.

“Berrikuntza kolektiboetan” ildoari dagokionez, “ONEKIN-berrikuntza programaren karira eratutako taldetzat” joko dira berrikuntzaren esparruan beharrian bati erantzuteko edo aukera jakin bat baliatzeko erabiltzen diren berrikuntza-taldeak. Berrikuntza-taldearen eraketak argi identifikatzeko moduko helburu bat izan behar du; adibidez:

- hainbat gertakizun edo egoeraren aurreko irtenbide jakin baten irismena ebaluatzea edo
- beharrian bati edo aukera bati zenbait irtenbideren bidez erantzutea.

Pertsona fisiko edo juridikoen talde horiek izaera juridikoz edo izaera juridikorik gabe ezar daitezke, eta gutxienez 4 kide izan behar dituzte: pertsona fisiko edo juridiko bereziak izango dira, eta beren artean ez dute zertan lotura organikorik, funtzionalik edo ekonomikorik izan. Talde horietan, parte hartzen duten pertsona fisiko edo juridiko guztiak joko dira pertsona onuraduntzat, eta programa honek ezarritako betekizunak bete beharko dituzte. Talde hauek beren-beregi adierazi behar dituzte eskabidean bere egindako konpromisoak. Halaber, bakoitzari aplikatuko zaion dirulaguntzaren zenbatekoa zehaztu behar dute (horiek ere pertsona onuraduntzat joko dira). Nolanahi ere den, taldearen pertsona ordezkari edo ahaldun bat izendatu beharko dute, eta horrek ahalmen nahikoa izango du onuradun den heinean taldeari dagozkion betebeharrak betetzeko. Taldeko pertsona ordezkari edo ahaldun bakar horrek sinatu eta aurkeztuko du eskabidea Berrikuntza Taldearen izenean.

4. ONEKIN BERRIKUNTZA PROGRAMAREN KONTURA FINANTZA DAITEZKEEN KOSTUAK

Gastu edo inbertsio hautagarritzat hartuko dira berrikuntza-proiektuak diseinatzeko, pilotatzeko eta exekutatzeko beharrezko direnak; zehazki, honako hauek:

1. Aholkularitza, ingeniariarritza, softwarea eta inbertsio materialak:

- 2021eko urtarrilaren 1az geroztik eta proiektua exekutatzeko ezarritako epean sortutakoak edo fakturatutakoak.
- Aholkularitza-ordu bakoitzeko, gehienez ere **60 €-ko** laguntza emango da.

2. Proiektuaren garapenetik eratorritako kudeaketa-gastuak (dinamizazio-jarduerak, parte hartzen duten enpresen koordinazio- eta

sustatze-lana, aldez aurreko azterlanak, hornidurak, etab.). Aholkularitza, ingeniarietza, hardware, software eta inbertsio materialen gastuei kostuen % 10 egotziko zaie. Kontratatu beharreko zenbatekoa gorabehera, erakunde eskatzaileak hainbat aholkulariren hiru eskaintza aurkeztu beharko ditu gutxienez, kontratatu edo zerbitzua eman aurretik, salbu eta ezaugarri bereziak dituztelako merkatuan ez badago eskaintza hori egiten, ematen edo hornitzen duen behar beste erakunde.

Aurkeztutako eskaintzak efizientzia eta ekonomia irizpideen arabera hautatuko dira, eta memoria batean berariaz justifikatu beharko da ez bada hautatzen proposamen ekonomiko onuragarriena edo merkatuan ez badago eskaintza hori egiten, ematen edo hornitzen duen behar beste erakunde.

3. Laguntzaren xede diren kostuen kontzeptutik kanpo geratuko dira honako hauek:
 - a. BEZa eta gainerako zeharkako zergak.
 - b. 2021/01/01 baino lehen egindako edozein gastu.
 - c. Webguneak eta ordaintzeko plataformak garatzea.

5. ERAKUNDE HORNITZAILEAK LAGUNDUTAKO JARDUERAK AZPIKONTRATATZEA

- a. Programaren xede diren jarduerak azpikontratatu ahalko dizkiete, betiere garatzen duen Erregelamenduaren 68. artikuluan ezarritako betekizunak eta debekuak errespetatzen badira, diruz lagunduko den jardueraren arabera, gehienez ere zenbatekoaren % 50ean.
- b. Diruz lagunduko den gastuaren zenbatekoak sektore publikoko kontratazio-araudiak kontratu txikietarako unean-unean ezarritako kopuruak gainditzen dituenean, pertsona onuradunak gutxienez hiru eskaintza eskatu beharko dizkie enpresa hornitzaileei, kontratatu baino lehen, salbu eta ezaugarri bereziak dituztelako merkatuan ez badago lan horiek egiten dituzten behar beste erakunde. Aurkeztutako eskaintzak efizientzia eta ekonomia irizpideen arabera hautatuko dira, eta berariaz justifikatu beharko da ez bada hautatzen proposamen ekonomiko onuragarriena.
- c. Laguntza-eskabidearekin batera aurkeztu beharko dira hiru eskaintza eskatu izanaren egiaztagiria eta pertsona edo enpresa kontratistaren azken hautaketa. Eskabidea aurkezteko unean azpikontratazioa zehaztuta ez badago, HAZIra bidali beharko da, proiektuaren amaieran erantsi beharreko dokumentazioarekin batera.

6. PROIEKTUAREN KONTURA DIRUZ LAGUNDU DAITEZKEEN GASTUEN EHUNEKOAK

Honako hauek izango dira ezarritako laguntzaren gehieneko zenbatekoa eta intentsitatea, kontuan hartutako ildo eta enpresa bakoitzeko:

Berrikuntza enpresak: Elikagaien eta zuraren kateko enpresetako berrikuntzarako laguntzak

1. **“Berrikuntza banakako enpresetan” ildo.** diruz lagunduko diren kostuen % 60 (honako kostu hauek: aholkularitza, ingeniari-tza, softwarea eta inbertsio materialak, proiektuan erabiltzen diren neurrian eta denbora-tarterako; halaber, proiektuaren garapenetik eratorritako kudeaketa-gastuak). Gehienez ere: 5.000 euro.

Nolanahi ere den, gehieneko laguntza ez da diruz lagundu daitezkeen kostuen % 80tik gorakoa eta 5.000 eurotik gorakoa izango.

2. **“Berrikuntza kolektiboetan” ildo.** diruz lagunduko diren kostuen % 60 (honako kostu hauek: aholkularitza, ingeniari-tza, softwarea eta inbertsio materialak, proiektuan erabiltzen diren neurrian eta denbora-tarterako; halaber, proiektuaren garapenetik eratorritako kudeaketa-gastuak); zehazki, enpresetako bakoitzarentzat, betiere programa honen ondoretarako Berrikuntza Talde bat osatzen badute, bat etorritik Programaren erakunde onuradunen atalean definitutakoarekin. Gehienez ere berrikuntza Taldea eratzen duen pertsona onuradun bakoitzeko: 6.000 euro. Gehienez ere Berrikuntza Talde bakoitzeko: 25.000 euro. Gutxienezeko taldekideak: 4.

Nolanahi ere den, Berrikuntza Taldea eratzen duen pertsona onuradun bakoitzaren laguntza ez da diruz lagunduko diren kostuen % 80tik edo 6.000 eurotik gorakoa izango.

3. **“Berrikuntza kooperatibetan” ildo:** diruz lagunduko diren kostuen % 70 (honako kostu hauek: aholkularitza, ingeniari-tza, softwarea eta inbertsio materialak, proiektuan erabiltzen diren neurrian eta denbora-tarterako; halaber, proiektuaren garapenetik eratorritako kudeaketa-gastuak). Gehienez ere: 12.000 euro.

Jarduketa-ildo guztiei dagokienez, eta Emakume Nekazarien Estatutuari buruzko urriaren 15eko 8/2015 Legea betetzeko, pertsona indibidualek sustatutako proiektuaren titulartasuna emakume batena bada, edo titulartasuna partekatua bada, edo pertsona juridikoa izanda emakumeen parte-hartze sozialaren ehunekoa gutxienez % 50ekoa bada, bi bazkide badira, edo gutxienez orekatua gainerako kasuetan, laguntzaren ehunekoa 10 puntu handituko da. Edonola ere, laguntzaren gehieneko zenbatekoa 5.000 eurokoa izango da.

Horrez gain, G1, G2 edo G3 gisa sailkatutako landa-eremuetan garatuko diren proiektuen kasuan, laguntzaren zenbatekoa 5 puntu handituko da. Edonola ere, laguntzaren gehieneko zenbatekoa mantenduko da. Landa-eremuak zehazteari buruzko dokumentua interesdunen esku dago esteka honetan: https://www.euskadi.eus/eaeko-landa-eremuak-zehaztea-2015-2020/md_idee_u_ruralidad/web01-a2lanits/eu/

7. PROGRAMARI LAGUNTZA-ESKABIDEAK AURKEZTEKO EPEA

Eskabideak aurkezteko epea 2021eko azaroaren 18ko 09:00etatik 2021eko abenduaren 2ko 15:00ak artekoa izango da.

Laguntza-eskabideak HAZIren zuzendari nagusiari bidaliko zaizkio, eta telematikoki bidaliko dira esteka honetan: <https://onekin.eus/programa/onekin-berrikuntza/>

HAZIk ikusten badu aurkeztutako dokumentazioan akatsen bat, erroreren bat edo zehaztasunik eza dagoela, eskatzaileari helbide elektronikoaren bidez jakinaraziko dio, eta 10 egun naturaleko epea emango dio horiek zuzentzeko. Gainera, adieraziko dio, hala egin ezean, eskaera ez dela onartuko. Epe hori igaro eta zuzenketarik egin ez bada, HAZIk ebazpena emango du eskaera ez onartutzat jotzeko.

8. PROIEKTUAK AZTERTZEA

Eskaerak jaso ondoren, HAZIko teknikari arduradunek edo ebaluazio-organoak eskabideak baloratzeko txostena egingo dute; bertan jasoko dira, batetik, erakunde eskatzaileak aurkeztutako dokumentazio guztiaren zerrenda eta haren egiaztapen administratiboa, eta, bestetik, dokumentazioaren balorazio teknikoak eta ohar garrantzitsuak, Programan ezarritako balorazio- eta haztapen-irizpideen arabera.

Pertsona hauek osatzen dute ONEKIN Berrikuntza-ren ebaluazio-organoa:

- HAZIren zuzendari nagusia edo eskuordetzen duen pertsona.
- HAZIko Katilu arloko arduraduna.
- Ekintzailetza, Berrikuntza eta Lurralde Saileko teknikariak.

ONEKIN_berrikuntzaren ebaluazio-organoak ebazpen-proposamena bidaliko dio HAZIko zuzendari nagusiari, non eskabideen balorazio-txostena jasoko baita

9. EBAZPENEA

HAZIko zuzendari nagusiak, ebazpen-proposamenean jasotako eskabideak baloratzeko txostena ikusita, ebazpena emango du, eta horren berri emango zaio proiektu bakoitzaren erakunde eskatzaileari.

Ebazpenean, eskatutako laguntzak eman edo ukatuko dira; lehenengo kasuan, erakunde onuradunak, lagundutako proiektuak, emandako puntuazioa eta emandako laguntzaren gehieneko zenbatekoa adieraziko dira. Halaber, laguntza ukatzen bada, ebazpenean uko hori arrazoituko da.

Laguntza-eskabideen zerrenda (hala emanak nola ukatuak) HAZIren webgunean argitaratuko da, honako hauek adierazita: proiektuaren akronimoa, erakunde eskatzailea, emandako puntuazioa eta emandako laguntzaren zenbatekoa.

Laguntzaren ebazpenaren edukiarekin ados ez badago (laguntza ukatzeagatik, dirulaguntzaren zenbatekoagatik, etab.), pertsona edo enpresa eskatzaileak alegazioak aurkeztu ahal izango dizkio HAZIko zuzendari nagusiari, ebazpena eman eta 15 eguneko epean. Epe hori amaituta, laguntza horiekin zerikusia duten auzietarako jurisdikzio eskuduna jurisdikzio zibila izango da.

10. PROGRAMA GAUZATZEKO EPEA

Proiektuak gauzatzeko epea 2021eko urtarrilaren 1etik 2022ko maiatzaren 31ra bitartekoa izango da. Proiektuaren justifikazioko dokumentazioa aurkezteko azken eguna 2022ko ekainaren 30a izango da.

11. ERAKUNDE ONURADUNEN BETEBEHARRAK

Erakunde onuradunek HAZIk kontraprestaziorik gabe diru emateak egiteko Oinarri Orokorraren 5. oinarriko aurreikuspenak bete beharko dituzte. Aurreikuspen horiek gain, honako betebeharrak espezifiko hauek ere bete beharko dituzte, zehazki:

- Emandako laguntza onartzea. Erakunde onuradun guztiek laguntza onartzen dute, egutegiko 15 egun naturaleko epearen barruan laguntzari uko egiten diotenean izan ezik.
- Emandako dirulaguntza erabiltzea haren xede den proiekturako.
- Onartzea HAZIk beharrezkotzat jotzen duen dokumentazio guztia eta egiaztapenak eska ditzakeela, emandako laguntzaren xede den proiektua gauzatu eta eskakizunak betetzen direla egiaztatzeko.
- Fakturak gordetzea eta HAZI eta Euskal Autonomia Erkidegoaren Administrazio Orokorraren esku uztea (Kontrol Ekonomikoko Bulegoa eta Herri Kontuen Euskal Epaitegia), bost urteko epean, gastu hautagarriak egiten direnetik hasita.
- Beste administrazio batetik edo erakunde publiko zein pribatutik hemen arautzen diren laguntzen helburu bererako edo antzekorako emandako dirulaguntza, laguntza, diru-sarrera edo baliabideak eskatu edo jasotzen badira, horren berri eman beharko berehala HAZIri.
- HAZIri jakinaraztea berehala laguntza emateko kontuan hartu den beste edozein baldintzaren aldaketa.
- Deialdi honetan emandako laguntzaren jatorriaren publizitate egokia ematea.
- Hizkuntza eta irudien erabilera ez sexista bermatzea, diruz lagundutako proiektua gauzatzean sortzen diren dokumentu eta euskarrietan.

Laguntzen erakunde onuradunek, laguntzaren xede diren jarduerak amaitu ondoren, nahitaez justifikatu beharko dute jasotako funtsak laguntzaren oinarri izan den helbururako erabili direla. Horretarako, ordaindutako gastuen fakturak eta egiaztagiria memoria ekonomiko baten bidez justifikatu beharko ditu, eskabidearen aurrekontuan zehaztutako kontzeptuen arabera multzokatuta.

Proiektuen gauzatzearen jarraipena egiaztatzeko, oinarri hauetan aurreikusitako jardueren txostenak aurkeztu beharko dira, eta gainera, hala badagokio, HAZIk ikuskatu eta kontrolatu ahal izango du.

12. ORDAINTZEKO BALDINTZAK

Diruz lagundutako gastuen zenbatekoa banku-transferentzia bidez ordainduko da, honela

- % 50 proiektua adjudikatzeko ebazpena eman ondoren.
- Gainerako % 50, HAZIk garatutako jarduerari eta itxiera-memoria ekonomikoari buruzko txostena onetsi ondoren.

13. EZ-BETETZEAK ETA ITZULKETA

Baldin eta erakunde onuradunek ez badute betetzen programa honetan edo dirulaguntzen arloan aplikatzekoa den araudi orokorrean ezarritako baldintzaren bat, edo, laguntza emateko ebazpenean ezarritako baldintzaren bat, laguntza jasotzeko eskubidea galduko dute, eta HAZIri itzuli beharko diote ordura arte jasotako laguntzaren zenbatekoa, gehi dagozkion legezko interesak. Horretaz gain, behar izanez gero, legezko ekintzak abiaraziko dira zenbatekoa itzultzeko.

Artikulu honetan aurreikusitako ondorioetarako, honako hauek izango dira ez-betetzeak:

- Programan ezarritako helburua edo lagundutako jardueraren garapena justifikatzeko betebeharrak ez betetzea.
- Laguntza jasotzea programa honetan ezarritako baldintzak eta betekizunak bete gabe edo laguntza emateagatik ezarritakoak bete gabe.
- Programan edo laguntzaren emakidan ezarritako kontrol-neurriari uko egitea edo oztopatzea.
- Gastu hautagarriak epe barruan ez justifikatzea, edo programa honetan nahiz laguntza emateko ebazpenean ezarritako baldintzak ez betetzea.
- Diruz lagundutako jarduera garatzeko ezarritako epeak gainditzea.
- Proiektua, amaitu aurretik, bertan behera uztea, proiektuaren aurreko fase batean lortutako emaitza negatiboekin duen erlazioa egiaztatu gabe.
- Azaroaren 17ko 38/2003 Legearen 29. artikuluan ezarritakoa ez betetzea.
- Proiektuaren bestelako desbideratzeak edo laguntza emateko ebazpenean ezartzen den beste edozein betebeharrak ez betetzea.

Oker jasotako zenbatekoak laurogeita (90) hamar egun naturaleko epean itzuli behar dira, HAZIk, burofax bidez, erakunde onuradunari oinarri hauetan jasotako itzulketarako arrazoietako bat dagoela jakinarazten dionetik.

Laguntza itzultzeko aipatutako arrazoietako bat dagoenean, pertsona onuradunak jaso gabe dituen zenbatekoak kobratzeko eskubidea ere galduko du.

14. BESTE DIRULAGUNTZA BATZUEKIKO BATERAGARRITASUNA

Programa hau dela bide ematen diren laguntzak bateragarriak izango dira helburu bererako beste administrazio batzuek emandakoekin. Laguntza guztien batura ezin da izan proiektuaren kostuen % 100 baino handiagoa, eta, handiagoa balitz, araudi hau dela bide emandako laguntza gutxituko da, zehazki, gehiegizko zenbatekoa kenduta. Edonola ere, Europako Batzordearen 2014ko ekainaren 17ko 651/2014/EE Araudian (horren bidez, laguntza-kategoria batzuk barne-merkatuarekin bateragarriak direla adierazten da, Tratatuaren 107. eta 108. artikulua betez) xedatutakoa beteko da. Aurreko apartatuan esandakoa baloratzeko, erakunde eskatzaileek aitortu egin beharko dituzte eskabidea egiteko unean beste erakunderen batean eskatuta edo onartuta dituzten laguntzak, bai helburu berdina duten proiektuetarako, bai xedearekin zerikusia duten proiektuetarako edo proiektuaren zati bat beste eskabide batean dutenentarako. Azken kasu horretan, proiektuen osagarritasuna, bikoiztasunak eta egokitzapena azaldu beharko dituzte. HAZik horri buruzko egiaztapenak egiteko eskubidea izango du, dagozkion bideak erabiliz

15. ALDAKETA

Erakunde onuradunak konpromisoa hartzen du laguntza-eskabidean eta laguntza emateko ebazpenean jasotako jarduerak gauzatzeko, eta laguntza-eskabidearen baldintzetan edozein aldaketaren bat gertatzen bada edo emandako laguntzari uko egiten bazaio, horren berri eman beharko dio HAZIri, halakoak gertatzen diren unean. Aldaketa alde aurretik jakinaraziko zaio HAZIri idatziz, aldaketa horren eragina, aurreikusitako inplikazioak eta aldaketak adierazita, haien balorazioa egiteko, eta onartuz gero, laguntza emateko ebazpena alda liteke, edo are gehiago, laguntza ukatu eta jasotako zenbatekoak itzultzeko betebeharra ezarri ahalko da.

16. ATZERA EGITEA ETA UKO EGITEA

Laguntzaren onuradunak uko egin ahal izango dio emandako laguntzari, eta hori eskaera onartu ondoren egin daiteke. Uko egitea telematikoki aurkeztuko zaio HAZIko zuzendari nagusiari, eta berak, ebazpen bidez, bete-betean onartuko du uko egitea eta amaitutzat emango du prozedura. Uko egitea onartu ondoren, onuradunak zuzenean galduko du eman zitzaion laguntzarako eskubidea, eta ordura arte jasotako laguntzen zenbatekoa itzuli beharko dio HAZIri, 13. puntuan ("Ez betetzeak eta itzulketak") ezarritakoaren arabera.

17. DATU PERTSONALEN KONFIDENTZIALTASUNA ETA BABESA

Proiektuaren esparruan garatutako informazioa, ezagutza eta emaitzak enpresa eskatzailearen jabetzakoak izango dira. Emaitzak ezagutarazi eta transferituko dira, bakar-bakarrik proiektuaren jabetza duen enpresak alde aurretik baimena ematen badu; gainera, proiektuaren alderdiak berariaz aipatu eta konfidentzialtasun-alderdiak babestu beharko dira. HAZik konpromisoa hartzen du laguntza hauen esparruan garatutako proiektuen informazio, ezagutza eta emaitzen konfidentzialtasunari eusteko, legeak aginduta zabaldu behar direnean izan ezik. Onuradunaren ekonomia, estrategia

edo negozio arloko gaiak izaera konfidentzial berezia izango dute. Politika publikoak (elikaduraren eta zuraren katearen politikak) aplikatzeko metodologiak garatzen direnean edo ezagutza interesgarria sortzen denean, HAZIk politika horiek erabili ahal izango ditu, soilik helburu horietarako eta onuradunari aldez aurretik jakinarazita; halaber, onuradunak berariaz adierazi ahal izango du erabilera horren aurka dagoela.

Datuak Babesteko Erregelamendu Orokorra betetzeko, laguntza horiek eskabide eta kudeaketa arloan HAZIri eman zaizkion datu pertsonalak HAZIk tratatuko ditu, oinarri hauetan araututako laguntzak kudeatzeko helburu bakarrarekin. Interesdunek baimena ematen dute beren datu pertsonalak lehen aipatutako helbururako tratatzeko. Era berean, interesdunak datuak eskuratzeko, zuzentzeko, ezabatzeko, aurka egiteko, eramateko eta tratamendua mugatzeko eskubideak erabili ahal izango ditu, lopd@hazi.eus helbidera idatzita.

18. ERANTZUKIZUNETIK SALBUESTEAK

Laguntzaren xede den jarduera egin aurreko edo ondorengo jarduketan ondorioz edo jardueraren beraren ondorioz sortzen diren kalte pertsonal edo materialen erantzule bakarra erakunde onuraduna izango da, eta, kontzeptu horiek direla-eta HAZIk ez du inolako erantzukizunik izango

Programarekin harremanetan jartzeko informazioa

<https://onekin.eus/programa/onekin-berrikuntza/>

Harremanetarako: onekinberrikuntza@hazi.eus

Telefono-zenbakia: 945 003 240

ERANSKINAK

I. ERANSKINA: ARAUDI APLIKAGARRIA

1. Europako Batzordearen 1407/2013 (EB) Erregelamendua, 2013ko abenduaren 18koa, Europar Batasunaren Funtzionamenduari buruzko Tratatuaren 107. eta 108. artikulua minimis laguntzei aplikatzeari buruzkoa¹ (EBAO, L 352 zk., 2013/12/24).
2. Europako Batzordearen 1408/2013 (EB) Erregelamendua, 2013ko abenduaren 18koa, Europar Batasunaren Funtzionamenduari buruzko Tratatuaren 107. eta 108. artikulua nekazaritza-sektoreko minimis laguntzei aplikatzeari buruzkoa² (EBAO, L 352 zk., 2013/12/24).
3. Europako Batzordearen 717/2013 (EB) Erregelamendua, 2014ko ekainaren 27koa, Europar Batasunaren Funtzionamenduari buruzko Tratatuaren 107. eta 108. artikulua arrantza- eta akuikultura-sektoreko minimis laguntzei aplikatzeari buruzkoa (EBAO, L 352 zk., 2013/12/24).
4. Dirulaguntzei buruzko 38/2003 Lege Orokorra, azaroaren 17koa (aurrerantzean, DLO) eta 887/2006 Errege Dekretua, uztailaren 21koa, DLOaren erregelamendua onesten duena (aurrerantzean, DLOE) DLOan jasotako kudeaketa-printzipioei eta 20. artikuluan jasotako informazio-printzipioei dagokienez, hori guztia lege horren 3.2 artikulua bigarren paragrafoa dela bide, non aplikazio hori ezartzen baita.
5. Gainera, oinarri espezifiko hauetan jasota ez dagoen guztian, HAZIk kontraprestaziorik gabe diru-emateak egiteko Oinarri Orokorren dokumentuan xedatutakoa aplikatuko da (dokumentu hori HAZIren webgunean dago).

¹ Erakunde onuradun batek jaso dezakeen minimis laguntza guztira ezin daiteke 200.000 eurotik gorakoa izan, indarreko ekitaldi ekonomikoa eta aurreko bi ekitaldiak barne hartzen dituen aldian kontabilizatuta.

² Erakunde onuradun batek jaso dezakeen minimis laguntza guztira ezin daiteke 200.000 eurotik gorakoa izan, indarreko ekitaldi ekonomikoa eta aurreko bi ekitaldiak barne hartzen dituen aldian kontabilizatuta.

II. ERANSKINA: BALORAZIO- ETA HAZTAPEN-IRIZPIDEAK

Adjudikazio-prozedura lehia-norgehiagoka da, ildo bakoitzerako.

Erakunde onuradunen adjudikaziorako oinarri gisa erabiliko diren balorazio- eta haztapen-irizpide orokorrak hauek dira:

A. Banakako enpresak eta Berrikuntza Taldea osatzen duten enpresak

Honako hauetarako ezarritako irizpideak:

1. "Berrikuntza banakako enpresetan" ildoak eta
2. "Berrikuntza kolektiboetan" ildoak

Memoria teknikoaren kalitatea	50
- Ekingo zaion proiektuaren aurrekariak eta azalpen laburra	5
- Proiektuak asebetetzen duen beharrezana	5
- Proposatutako berrikuntza eta aurreikusitako emaitzak, ezartzera eta/edo mailakatzera bideratzea Aurreikusitako inaktuaren deskripzioa (ekonomiari, gizarteari eta/edo ingurumenari dagokionez)	20
- Proposamenaren kalitatea, oro har	20
Proposamenaren egokitasuna	50
- II. eranskinean proposatutako berrikuntzako esku-hartze lehenetsiekin lerrokatzea	17
- Proiektuaren kokapena landa-eremuan	
o Leader eremua (G1, G2 eta G3)	7
o Erein eremua (G4, G5 eta G6)	3
- Programako produktuen lehengaiaren (lehengaien % 85etik gora dira EAEkoak) edo nekazaritza-ustategiaren jatorria	3
- Kateko beste agente batzuekin kontratu bidezko harremanak edo bestelako lankidetzak-moldeak eratzea	4
- 40 urtetik beherako pertsona batek sustatutako proiektuak, edo titulartasun partekatukoak, edo pertsona juridiko baten proiektuak 40 urtetik beherako langileen portzentajea gutxienez % 40 bada.	4

- Titularra emakumea den pertsona batek sustatutako proiektuak, edo titulartasun partekatukoak, edo pertsona juridiko baten proiektuak parte-hartze sozialaren gutxienez % 50 emakumeen eskuetan badago.	15
- Guztira	100

Berdinketa egonez gero, lehenetasunak irizpide hauen arabera ezarriko dira:

- Gizartetik eta lanetik baztertuta geratzeko arriskuan dauden pertsonak barne hartzen dituzten proiektuak.
- Landatasun-maila handieneko eremuetan kokatutako proiektuak.

B. Kooperatibak:

Honako hauetarako ezarritako irizpideak:

3. "Berrikuntza kooperatibetan" ildoak

Memoria teknikoaren kalitatea	54
- Aurrekariak eta egin beharreko proiektuaren azalpen laburra	8
- Proiektuak asebetetzen duen beharrezana	8
- Proposatutako berrikuntza eta aurreikusitako emaitzak, ezartzera eta/edo mailakatzera bideratzea Aurreikusitako inpaktuaren deskripzioa (ekonomiari, gizarteari eta/edo ingurumenari dagokionez)	19
- Proposamenaren kalitatea, oro har	19
Proposamenaren egokitasuna	46
- II. eranskinean proposatutako berrikuntzako esku-hartze lehenetsiekin lerrokatzea	17
- Kooperatibako kideen kopurua: <ul style="list-style-type: none"> o 20 bazkidetik gora..... o 5 eta 20 bazkide artean..... 	5 2
- Programako produktuen lehengaiaren jatorria (lehengaien % 85tik gora dira EAEkoak)	3

- Bazkideen artean 40 urtetik beherakoen ehunekoa edo partaidetza gutxienez % 40koa izatea	3
- Titularra emakumea den pertsona batek sustatutako proiektuak, edo titulartasun partekatukoak, edo pertsona juridiko baten proiektuak parte-hartze sozialaren gutxienez % 50 emakumeen eskuetan badago.	15
- Kateko agenteekin kontratu bidezko harremanak edo bestelako lankidetzak-moldeak sortzea	3
- Guztira	100

Berdinketa egonez gero, bazkide gehien dituen kooperatiba lehenetsiko da.

III. ERANSKINA: PROIEKTUAREN KUDEAKETA ETA ENTREGAGAIK

- 1. Eskabidea:** Deialdia irekitzen denetik hura amaitu arte, laguntzaren eskabide telematikoa egin ahalko da, eskatutako datuak betez eta eskatutako dokumentazioa aurkeztuz.
- 2. Proiektuaren onespena:** Eskabidea ebaluazio-batzordeak onetsi edo ezetsiko du. Ezetsiz gero, eskatzaileak ez du lortuko kotizatutako zenbateko ekonomikoa, eta ez du laguntzarik jasoko ideia aurrera eramateko. Hala ere, eskabidea aldatu ahalko du, eta arau honetara egokitu, eskabide berri bat egiteko; hura berriro ebaluatuko dute, eta onetsi edo ezetsi egin ahalko dute.
- 3. Proiektuaren gauzatze-fasea:** Proiektua indarreko urtean abiarazi beharko da. Hau da, lagunduko diren jarduerak ez dira hasita egongo 2021/01/01aren aurretik. Hala ere, erakunde eskatzaileak jarduketa horiek abiarazi ahalko ditu laguntzaren amaierako ebazpenaren aurretik, kostu guztiak bere gain hartuz.
- 4. Entregagaiak:** Laguntzen erakunde onuradunek eskabidean deskribatutako azterlanak egiteko betebeharra izango dute, eta HAZIri igorri beharko dizkiote. Entregagaiaren irismenean aldaketak badaude, horiek HAZIk idatziz jaso eta onetsi beharko ditu aldeztu aurretik.

Laguntzaren erakunde onuradunek laguntzaren xederako jasotako funtsen jomuga justifikatzeko betebeharra izango dute, behin laguntzaren xede izan diren jarduerak amaitu ondoren.
- 5. Itxiera:** Proiektuaren itxiera programa honetan ezarritako epean eta moduan egingo da, bi alderdiek onetsitako aldaketak integratuta.

Enpresa ekintzaileak telematikoki kargatu beharko ditu, www.ONEKIN.eus/es/programa/onekin-berrikuntza webgunean, honako txosten hauek:

- Txosten xehatua, besteren artean honako alderdi hauek jasotzen dituenak: proiektuaren garapena, inplementatutako jarduerak (hala badagokio), proiektuaren azken ebaluazioa eta etorkizunerako proposamenak.
- Memoria ekonomikoa, efektiboki egin diren gastuak jasotzen dituenak.

Nolanahi ere den, laguntzaren xede den amaierako memoria aztertu ondoren, HAZIk eskatzaileari beharrezkotzat jotzen duen dokumentazio eta informazio osagarria eskatu ahalko dio, eta ondoren bilerak iragarri ahalko ditu proiektuaren amaierako ebaluazio behar bezala egiteko.

Proiektuaren itxierari dagozkion txosten eta memoriak gehienez ere 30 egun naturaleko epean entregatuko dira, proiektuaren amaiera-datatik aurrera zenbatuta.

Dokumentazio hori eta argibideak (beharrezkoak izanez gero) ikusi ondoren, HAZIk proiektuaren itxiera ebatziko du, gehienez ere hilabeteko epean, proiektua jasotzen duenetik.

IV. ERANSKINA: LEHENTASUNEZKO ESKU-HARTZEAK ELIKADURAREN ETA ZURAREN BERRIKUNTZAREN ESPARRUAN

Jarraian, ONEKIN_berrikuntza programaren lehentasunezko jarduketan zerrenda aurkezten da, baita sustatu beharreko adibide zehatzak ere:

NEKAZARITZAREN SEKTOREA

LEHENTASUNEZKO BEHARRIZANAK

1. Laborantzak:
 - Laborantza eta aldaera berriak sartzea. (*)
 - Betekizun eta eskakizun berrietara egokitzea.
 - Tokiko aldaerak berreskuratzea. (*)
 - Funtzionalitate eta erabilera berriak.
2. Negozioa:
 - Kanal eta merkatu berriak bilatzea. (*)
 - Kanal-aniztasuna.
 - Negozio-eredu berriak.
3. Prozesuak:
 - Ekoizpen ekologikoa bultzatzea. (*)
 - Ekoizpen- eta logistika-lanabes berriak.
 - Teknologia berriak sartzea. (*)
 - Intsumoen kontsumoa murriztea. (*)

- Berrerabiltzea, ordezkatzeta eta birziklatzea.
 - Nekazaritza ez-konbentzionala (bertikala, zirkuitu itxia). (*)
4. Antolakuntza:
- Sektore barneko eta sektorearteko egituratzea. (*)
 - Enpresako lanaren antolakuntza.
 - Giza baliabideen kudeaketa hobetzea.

ABELTZAINZAREN SEKTOREA

LEHENTASUNEZKO BEHARRIZANAK

1. Abereak eta produktuak:
 - Pentsu eta bazken ekoizpena. (*)
 - Betekizun eta eskakizun berrietara egokitzea.
 - Arraza berriak sartzea.
 - Ekoizpena eraldatzea. (*)
2. Negozioa:
 - Kanal eta merkatu berriak bilatzea. (*)
 - Kanal-aniztasuna.
 - Negozio-eredu berriak.
3. Prozesuak:
 - Ekoizpen ekologikoa eta animalien ongizatea bultzatzea. (*)
 - Produktu berriak garatzea. (*)
 - Intsumoen kontsumoa murriztea. (*)
 - Antibiotikoak murriztea. (*)
 - Banaketa-sistema berriak.
 - Teknologia berriak sartzea (ekoizpena, abereen lokalizazioa, larreen kudeaketa, etab.) (*)
 - Ekoizpen-sistemak eta baliabideen erabilera optimizatzea. (*)
4. Antolakuntza:
 - Sektore barneko eta sektorearteko egituratzea. (*)
 - Lanaren antolakuntza ustiategian.
 - Giza baliabideen kudeaketa hobetzea.

BASOGINTZAREN SEKTOREA

LEHENTASUNEZKO BEHARRIZANAK

1. Produktuak:
 - Baso-espezie eta basoetako elikagai berriak-
 - Tertziarizazio-proposamenak basogintzaren esparruan.

- Oinarri ekologikoko produktu berriak ikertzea.
- 2. Negozioa:
 - Zuraren erabilera berriak. (*)
 - Biomaterialak. (*)
 - Biomasa, (*)
- 3. Prozesuak:
 - Ekoizpen-sistemak optimizatzea. (*)
 - Hobekuntzak ekoizpen-prozesuan, jasangarritasunari jarraituta.
 - Teknifikazioa. (*)
 - Ekoizpen-molde berriak.
 - Baso-masen monitorizazioa.
- 4. Antolakuntza:
 - Basoetarako inbertsio- eta kudeaketa-egiturak bultzatzea. (*)
 - Sektore barneko eta sektorearteko egituratzea (*)
 - Lanaren antolakuntza.
 - Nazioartekotzea.

ELIKAGAIEN INDUSTRIA

LEHENTASUNEZKO BEHARRIZANAK

1. Produktuak sortzea:
 - Gizarte- eta ingurumen-baloreak biltzen dituen “produktu jasangarria”.
 - Produktu onuragarriak eta kontsumo-joerei lotutako erabilgarritasun-prestazio berriak dituzten elikagaiak sortzea. (*)
2. Negozioa:
 - Negozio-ereduak birdefinitzea.
 - Merkaturatze-kanal berriak (kanal-aniztasuna, *delivery*, *e-commerce*). (*)
 - Elikaduraren esparruko marketin digitala eta kanal-anitza.
 - Tokiko hornikuntza-sareak eta nazioartekotzea sendotzea. (*)
3. Prozesuak:
 - Prozesuetan irtenbide ekologikoak inplementatzea. (*)
 - Elikagaien segurtasuna eta kontserbazio-sistemak. (*)
 - Prozesuen jasangarritasuna (baliabideak, eskasteak, denborak...).
 - Ekoizpenaren efizientzia eta malgutasuna hobetzea.
 - Jasangarritasuna hobetzea (ontziak, bilgarriak, intsumoak, etab.). (*)
 - Prozesuak optimizatzea: digitalizazioa, teknologia, etab. *Stock* eta izakinak kudeatzea. (*)
4. Antolakuntza:

- Enpresen arteko kooperazioa eta kontzentrazioa sustatzea (balio-kateak egituratzea eta dimentsioa eta sinergiak areagotzea). (*)
- Lanaren antolakuntza.
- Nazioartekotzea.

ARRANTZAREN SEKTOREA

LEHENTASUNEZKO BEHARRIZANAK

1. Produktuak:
 - Gizarte- eta ingurumen-baloreak biltzen dituen “produktu jasangarria”.
 - Funtzionalitate eta erabilera berriak.
2. Negozioa:
 - Merkataritza-irtenbide berriak itsasoko produktuentzat.
 - Merkaturatze-bide berriak. (*)
3. Prozesuak:
 - Elikagaien segurtasuna. (*)
 - Prozesuak optimizatzea (digitalizazioa, teknologia, etab.) kostuak murrizteko, etab. (*)
 - Animalien ongizatea.
 - Kontserbazio-sistemak. (*)
 - Prozesuen jasangarritasuna.
 - Ekoizpenaren efizientzia eta malgutasuna hobetzea.
 - Jasangarritasuna hobetzea.
 - Teknifikazioa.
4. Antolakuntza:
 - Sektore barneko eta sektorearteko egituratzea. (*)
 - Lanaren antolakuntza.

AKUIKULTURA

LEHENTASUNEZKO BEHARRIZANAK

1. Produktuak:
 - Espezie berriak.
2. Negozioa:
 - Ekoizpen-zentroen kokapena.
 - Merkaturatzea. (*)
 - Produktu akuikolen irudia hobetzea.
3. Prozesuak:

- Elikagaien segurtasuna. (*)
 - Prozesuak optimizatzea (digitalizazioa, teknologia, etab.) kostuak murrizteko, etab. (*)
 - Kontserbazio-sistemak. (*)
 - Jasangarritasuna.
 - Animalien ongizatea. (*)
 - Probiotikoen, txertoen eta botiken erabilera.
4. Antolakuntza:
- Kudeaketa integrala.

JATETXEAK

LEHENTASUNEZKO BEHARRIZANAK

1. Produktuak:
 - Tokiko hornitzaileekin kontratatze konpromisoa

(*) Lehentasunezko jarduerak (ez zehatza)

V. ERANSKINA: TXOSTENAREN EDUKIA **ETA ESKABIDEAN AURKEZTU BEHARREKO DOKUMENTAZIOA**

Laguntza-eskabidearen inprimakia eta aurkeztu beharreko dokumentazioa eskuragarri daude webgune honetan: www.ONEKIN.eus/es/programa/onekin-berrikuntza. Hau izango da oinarrizko edukia:

Pertsona juridikoak:

- Identifikazio-dokumentu mota eta zenbakia.
- Osaera-urtea.
- Erakunde eskatzailea.
- Helbide osoa.
- Udalerria.
- Lurralde historikoa.
- Telefono finkoa.
- Telefono mugikorra.
- Helbide elektronikoa.
- Erakundearen ordezkari legalaren izen-abizenak eta NAN.
- Harremanetarako pertsona izango den eskatzailea.
- Erakundearen legezko ordezkariaren sexua (Emakume Nekazarien Estatutuari buruzko urriaren 15eko 8/2015 Legea betetzeko eskatzen den informazioa).
- Erakunde eskatzailearen zerga-egoitza.
- Erakunde eskatzailearen bankuko datuak (IBAN).
- Plantillako langile-kopurua, generoaren, adinaren edo gizartetik eta lanetik baztertuta egotearen edo baztertuta geratzeko arriskuaren arabera bereizita.
- Lehenetsuneko jakinarazpen- eta komunikazio-kanala.
- Oharrak jasotzeko helbide elektronikoa.
- Oharrak jasotzeko mugikorra.
- Jakinarazpen, komunikazio eta oharren hizkuntza.
- Adierazi behar da urteko kontu kontsolidatuak formulatzen dituen edo urteko kontu kontsolidatuak formulatzen dituen erakunde baten kontuetan agertzen den.
- Adierazi behar da prestigio-azeleragailuren batean parte hartu duen edo parte hartzen ari den, honako hauek zehaztuta: izena eta aldia, eta azelerazio-urtea.
- Kapital sozialaren egitura (bazkideak edo akziodunak).
- Egun garatutako jarduera ekonomikoen xehetasunak, baita jarduera berrien aurreikuspenak ere.

Pertsona fisikoak:

- Identifikazio-dokumentu mota eta zenbakia.
- Jaiotza-data.
- Helbide osoa.

- Udalerria.
- Lurralde historikoa.
- Telefono finkoa.
- Telefono mugikorra.
- Helbide elektronikoa.
- Generoa (Emakume Nekazarien Estatutuari buruzko urriaren 15eko 8/2015 Legea betetzeko eskatzen den informazioa).
- Pertsona eskatzailearen bankuko datuak (IBAN).
- Garapen taldeko pertsona kopurua, generoaren, adinaren edo gizartetik eta lanetik baztertuta egotearen edo baztertuta geratzeko arriskuaren arabera bereizita.
- Lehentasunezko jakinarazpen- eta komunikazio-kanala.
- Oharrak jasotzeko helbide elektronikoa.
- Oharrak jasotzeko mugikorra.
- Jakinarazpen, komunikazio eta oharren hizkuntza.

Gainera, Berrikuntza Taldeek sustatutako proiektuetan (izaera juridiko propiorik gabeko taldeak):

- LANKIDETZA-AKORDIOAREN kopia, ordezkariaren izendapenarekin.
- Taldearen ordezkariaren izen-abizenak eta NAN.
- Taldeko ordezkariaren sexua (Emakume Nekazarien Estatutuari buruzko urriaren 15eko 8/2015 Legea betetzeko eskatzen den informazioa).
- Erakunde eskatzailearen zerga-egoitza.
- Berrikuntza Taldea osatzen duten enpresen zerrenda, honako hauek zehaztuta: IFK, erakundearen izena eta erakunde bakoitzetik eskatutako zenbatekoa.
- Berrikuntza Taldeak lortu nahi duen helburua edo helburuak.

LAGUNTZAREN XEDE DEN PROIEKTUARI BURUZKOA:

- Proiektuaren izena.
- Eskatutako laguntzaren modalitatea.
- Eskatutako laguntzaren zenbatekoa.
- “Programaren erakunde onuradunak” atalean ezarritako baldintzak betetzen direla dioen erantzukizunpeko adierazpena.
- HAZIri baimena ematea administrazio eskudunean egiaztatzeko eta ziurtatzeko zerga-betebeharrak eta Gizarte Segurantzarekikoak betetzen direla, baita eskatzailearen identifikazio-datuak ere.

ESKATUTAKO LAGUNTZA-ILDOARI BURUZKOA:

- Aurrekariak.
- Ase beharreko beharrianak.

- Jardueraren helburua.
- Jarduera osagarriaren deskripzioa, aplikatutako metodologia zehaztuta.
- Gauzatze-epea eta aurreikusitako kronograma.
- Beste datu batzuk: lehengaiaren jatorria, jardueraren kokapena, etab.
- Honako hauetarako bakarrik: 1. ildo "Berrikuntza banakako enpresetan" eta 2. ildo "Berrikuntza kolektiboetan":
 - o Lehengaiaren jatorria
 - o Jarduera egiten duen enpresaren kokapena
 - o Tokiko hornitzaileekin jabetxeek dituzten kontratua.
 - o Titularra emakumea den pertsona batek sustatutako proiektuak, edo titulartasun partekatukoak, edo pertsona juridiko baten proiektuak parte-hartze sozialaren gutxienez % 50 emakumeen eskuetan badago.
- Honako hauetarako bakarrik: 3. ildo "Berrikuntza kooperatibetan":
 - o Sozietatearen egituraren justifikazioa.
 - o Kooperatiba eratzen duten bazkideen kopurua.
- Hautatutako eskaintzaren justifikazioa.

Honako hau da aurkeztu beharreko dokumentazioa:

Pertsona juridikoak:

- IFZaren kopia.
- Ahalordetze-eskrituraren eta legezko ordezkariaren NANaren kopia.
- Erakundearen osaera-eskrituraren eta estatutuen kopia, dagokion erregistroak zigilatuta.
- Euskal Autonomia Erkidegoko Nekazaritza eta Elikadurako Industrien Erregistroaren kopia, edota EJSN 561 Taldearena ("Janari eta Edarien Zerbitzuak") edo jarduera garatzeko izena ematea eskatzen duen beste edozeinena.
- Bidezkoa bada, enpresa handi baten eta txiki edo ertain baten arteko lankidetzaren egiaztatzen duen dokumentuaren kopia (423/2013 Dekretuaren 8.12 artikulua).

Pertsona fisikoak:

- NANaren kopia
- CV.
- Hala badagokio, Euskal Autonomia Erkidegoko errolda.

Gainera, oro har:

- Bankuko datuen titulartasun-ziurtagiriaren kopia (IBAN).

- Honako hau dioen erantzukizunpeko adierazpena: arauan eskatutako baldintzak betetzen dituela eta eskabidean egindako adierazpenak nahiz aurkeztutako dokumentazioa egiazkoak direla. Gainera, horiek egiazkoak edo zehatzak ez izatetik eratorritako erantzukizuna bere gain hartuko du, eta ezingo du alegatu ez dituela ezagutzen egiazkotasun edo zehaztasun ez hori eragin duten ekintzak.
- Hala badagokio, foru-ogasunekiko eta Gizarte Segurantzarekiko zerga-betebeharrak ordainduta edukitzearen ziurtagiria.
- Hala badagokio, foru-ogasunekiko eta Gizarte Segurantzarekiko zerga-betebeharrak ordainduta edukitzearen ziurtagiria.
- Lagundutako jarduketa justifikatzeko aurrekontuak eta faktura proformak.
- Laguntza kuantifikatzeko erakunde eskatzaileak aurkeztu nahi duen beste edozein dokumentazio osagarri.
- Hala badagokio, lotutako enpresa-taldearen adierazpena eta hori egiaztatzeko enplegu- eta kontabilitate-datuak (enpresa izateko kasuan).

Hirugarrenari agindutako jarduera azpikontratatzuz gero:

- Ondoren zerbitzuaren hornitzaileak azpikontratatzeko dituen lagundutako jardueren zerrenda eta justifikazioa.

VII. ERANSKINA: AURREKONTU-ZUZKIDURA

Programa honek 450.000 euroko zuzkidura du, eta honela banatzen da ildoetan:

1. "Berrikuntza banakako enpresetan" ildoak: 250.000 €.
2. "Berrikuntza kolektiboetan" ildoak: 125.000 €
3. "Berrikuntza kooperatibetan" ildoak: 75.000 €

Ildoren baterako esleitutako zuzkidura agortzen ez bada, gainerakoen artean banatu ahalko da.